

內 務

前署山東巡撫吳奏裁撤東省督糧道增設巡警勸業兩道缺摺

二百

三月

缺則以長春最爲緊要地方居四達之衝中外輻輳交涉紛繁實與哈爾濱同一情形非有得力大員不足以資鎮攝應請先設吉林西路兵備道員缺駐紮長春責令辦理交涉一切事務俾專責成一俟奉 旨允准設缺後再行揀員試署其餘各路應設員缺容再體查地方情形陸續奏明辦理謹 奏奉 硃批著照所請該部知道欽此

前署山東巡撫吳奏裁撤東省督糧道增設巡警勸業兩道缺摺

據署德州知州豫咸稟報督糧道周開銘於光緒三十三年十一月二十七日因病出缺等情當經遴選候補道徐世光前往暫行接署伏查山東督糧道一缺原駐省城因辦漕務移駐德州統轄五衛所各幫幫弁督理全漕兼管德常臨各倉事宜責任本屬繁重自糧運停辦漕糧全行改折五衛所員弁一律裁撤衛所錢糧改歸州縣徵收由藩司經理糧道事甚清簡本應早日裁撤因前撫臣周馥於光緒二十八年奏明辦理屯田繳價一案責成糧道在德州設立總局經理德州等三十州縣屯田繳價頭緒紛繁頗形棘手一時未便議裁業將屯戶抗繳爲難情形迭次奏明在案嗣又酌量改章變通繳價名目令屯戶完納稅契軍戶呈繳照費減之又減輕而易舉方得稍稍就緒爰將總局裁撤通飭各州縣將稅契照費逕解藩司核收糧道僅管漕折倉款除簿書期會而外幾於無事可辦現雖速議疏濬南北

運河實爲開通航路振興商業起見兗沂曹濟道本兼管運河事務已令該道妥爲籌辦是運河本與糧道無涉卽糧運一事前朝之艱鉅具在今昔之情形亦殊似難再議規復況京漢鐵路已通津鎮鐵路將辦萬一海上有事亦可無慮阻礙恭讀光緒三十年五月二十七日諭旨現在物力維艱自應力除冗濫用資整頓凡各項差缺有應行裁汰歸併者著各督撫破除情面認真釐剔奏明裁併以節虛糜又於光緒三十三年五月二十七日奉

旨各省應增設巡警勸業道缺准由該督撫奏明請

旨各等因欽此仰見 朝廷綜

核名實維新百度之至意查東省襟海帶河左輔 畿疆地少膏腴民多樸野西南曹兗各屬旣爲著名盜區東北膠澳煙臺又爲通商要地輪舟鐵路往來如織近復開設濟南周村濰縣三埠中外交通日臻繁盛非警察得力實業競勝不足以肅內治而裕民生是巡警勸業兩道實爲必不可少之官惟庫款奇絀設缺經費籌措爲難糧道旣同虛設糜費未免可惜擬援照陝西湖北裁撤糧道成案請 旨將山東督糧道一缺卽行裁撤其督糧道庫大使一缺自應一併裁撤所有各州縣應解該道漕折倉款均令按照舊章逕解藩庫存儲備撥一切稽徵督催及撥解款項由藩司照章辦理其舊日所存倉穀應令德州知州就近經管查山東督糧道於例支廉俸外經前撫臣周馥於光緒二十九年裁革陋規案內每年

內 務

前署山東巡撫吳奏裁撤東省督糧道增設巡警勸業兩道缺摺

二百一

戊申

內 務

廣西巡撫張奏酌擬造就土官辦法並請變通承襲舊例摺

二二二

三月

議給公費銀一萬兩糧道衙門書吏紙張工食銀一千八百兩巡勇口糧餉鞘盤費等項銀四千二百兩糧道庫大使公費銀二千兩共計銀一萬八千兩又各州縣另有解費傾鎔補平等項每年將及銀二萬二千兩現既將糧道及庫大使兩缺裁撤應將以上公費等項每年約可湊足銀四萬兩儘數提存作為東省增設巡警勸業兩道缺經費化私為公實於東省吏治財政大有裨益其該道例支廉俸請歸入公費通盤合算以期核實臣維時勢日益艱難行政貴乎通變當此振興庶務之際不汰其舊何以圖新此次請裁糧道實為力顧全局起見如蒙 兪允原任督糧道周開銘業已病故應毋庸議其道庫大使謝祖貽應即留於山東作為裁缺應補班遇有品級相當之缺儘先咨補以昭平允至巡警勸業兩道既係創設自應為地擇人非熟習東省情形不足以收實效擬由臣遴選人地相宜之員不拘名格先行奏請 簡補一次以後出缺再遵部章辦理容俟議定辦法另案奏明再德州為南北通衢糧道裁撤之後應由臣酌派武職大員率隊前往駐防以重地方 謹 奏奉 硃批著照所請該部知道欽此

廣西巡撫張奏酌擬造就土官辦法並請變通承襲舊例摺

竊廣西慶遠思恩南甯太平鎮安上思百色歸順等府廳州所轄土州縣州同巡檢凡四十